

Sepatutnya dari awal penubuhannya lagi, MRSM menggunakan syarat ini sahaja dan pula dengan tegas sekali. Syarat sebelum mengenakan ketetapan sekolah kebangsaan sahaja yang ikut membenarkan permohonan calon dari persekolahan bukan aliran utama didapati bukan sahaja tersasar, ia juga tidak mencerminkan nasionalisme watan yang didukung MRSM.

Dengan kewatanan itu, MRSM hendaklah pada setiap masa mendukung aspirasi pendidikan negara seperti pada Akta Pendidikan 1996 (1961 sebelumnya) untuk memantap dan melestari aliran utama itu yang nasional sifatnya bagi bidang pendidikan tanah air. Langkah terbaharu MRSM untuk mengenakan syarat hanya sekolah kebangsaan dan bukan yang lain-lain, sesungguhnya adalah jitu sekali dengan proses pembentukan negara bangsa yang perlu bersifat nasionalistik dalam kerangka wataniah Malaysia.



SEKOLAH kebangsaan bukan sahaja persekolahan penting bagi negara tetapi juga yang bestari bagi mendukung identiti nasional dan identiti budaya. - GAMBAR HIASAN/UTUSAN

rakyat begini walaupun segelintir sahaja, ia bermakna seluruh sejarah negara telah dinafikan.

Dengan ini, kita tidak akan berjaya sepenuhnya dalam proses pembentukan negara bangsa. Ini kerana kita tidak tegas dalam melaksanakan langkah baik untuk negara. Justeru, untuk kelangsungan selanjutnya sebagai negara berjaya, kita hendaklah mengenakan syarat ini semula untuk kemasukan MRSM dan lain-lain dengan pemberitahuan secukupnya bahawa pengambilalihan pelajar mulai tarikh tertentu akan hanya mengguna pakai sijil berhenti sekolah dari sekolah kebangsaan yang tempoh persekolahannya adalah munasabah lama, selain keputusan cemerlang daripada peperiksaan awam negara dalam aliran utama sahaja.

PROFESOR Emeritus Datuk Dr. Teo Kok Seong ialah Fellow Universiti Kebangsaan Malaysia (UKM) dan Majlis Profesor Negara.